

---

# BOKN BYGDABLAD

NR. 2 - MARS 1999 - ÅRG. 14


---



Hund på blå resept – s. 2



Aktiv vårsesong – s. 10



Karnevalstid – s. 12



BOKN KOMMUNE

---



# ”ELDRE SKULLE FÅTT HUND PÅ BLÅ RESEPT”

av Reidar Alvestad

Eg sit heime og skal ordna stikkord etter ein samtale eg hadde med Else og Helge Nilssen på ”Gamleheimen” i Føresvik ei kveldsstund for eit par dagar sidan. Det har seg slik at dei er gamle kjende for meg, for i 1967/68 var eg såkalla studentlærar ved folke- og framhaldsskulen på Hennes i Hadsel kommune i Vesterålen. Ved denne skulen vikarierte også Helge som lærar, og Else var bygda si helsesøster, jordmor og sjukesøster.

Eg går opp på loftet og finn ein bortlagd blå fotoalbum. Der er det bilder eg tok på Hennes for over 30 år sidan. Frå framhaldsskulen (som nesten fekk meg til å ”gå frå vetet”) på tur til Harstad, frå 17.mai 1968 med snø i lufta, frå skitur med skulen og utsikt mot Hadseløya.



Men det artigaste bildet er tatt ved inngangsdøra til familien Nilssen sitt hus, med Helge og Else og dei to eldste ungene – Sverre og Else Kristine - i dør-øpninga. Og midt på brystet av huset sto det skrive **E L S E** med store bokstavar. Ja, eg såg det på kilometers avstand, så det var ikkje vanskeleg å finna huset første gongen eg var på besøk.

Då eg var heime frå Vesterålen på juleferie i 1967, prata eg med Ingolf Kro, og fortalde litt om plassen der eg var. Else hadde i spøk?? sagt til meg at dei godt kunne flytta til Bokn. Då Ingolf høyrde ho var sjukepleiar og jordmor, vart han svært interessert i å få familien hit. Kva som etterpå skjedde av kontaktar, veit eg ikkje, men 15.august 1969 flytte familien Nilssen til Bokn, og dei har gjort sitt for å halda folketalet oppe.

Else er nå 77 år, og Helge 82. Seks vaksne barn har dei rundt seg, dei fleste etablerte med familjar.




17. mai 1968: Helge Kristian i farta tv. og Nils Bjørn.

I eit intervju i Stavanger Aftenblad den 13. februar i år, sa leiaren i Statens eldreråd, Astrid Dirdal Hegrestad,

at ho ynskte eit eldreår i 1999 utan klaging. Ho meinte at omsorg ikkje måtte bli hovudsaka i FN's internasjonale eldreår, men at ein tvert om måtte bruka året til å fokusera på dei eldre sitt ansvar for eige liv. Etter å ha prata eit par timar med Else og Helge, sit eg att med eit inntrykk av at dei er nokså enige med leiaren i Statens eldreråd om kva som er viktig å satsa på sjølv om ein er eldre av år.

## KOSTHALD OG MOSJON – AKTIVITET OG TRIVSEL

Helge arbeidde nokre år som postbud på Austre Bokn, men måtta gi seg sommaren 1981 på grunn av eit kraftig hjarteinfarkt. Tre år seinare på gamle tomter på Hennes i Vesterålen, gjekk han opp på den 800 m. høge Kaldjordtinden. På Møysalen som er den høgaste fjelltoppen i Vesterålen, har han vore rundt 15 gonger.



På gamle tomter på Hennes i Vesterålen har Helge gått mykje i fjellet.

Toppen ligg på 1263 m.o.h. og det tar normalt 4 – 6 timar å gå opp. Siste gongen han var på toppen var i






**Helge held på med teppeknyting: - Hugs også på trimmen, seier Else med eit smil. Foto: JH**

haldet radikalt om. Masse frukt og grønnsaker vart viktige ingredienser i matlaginga, men også i rå tilstand. I tillegg til dette høyrer grove brødsorter med i basismaten.

Ein lys Golden Retriever som lydte namnet "Teddy", har vore betre medisin enn nokon du kan få på resept. "Eldre skulle fått hund på blå resept" seier Else. Den første Teddy har dei ikkje lenger, men ein ny som nå er 4-5 mnd. treng å trimmast og luftast kvar dag, akkurat som den gamle. For Teddy er det vel omtrent det same kven det er av dei to som tar han med. Else seier at



**Teddy I og Teddy II: - Takk for mange fine turer! Teddy! står det på bildet i forgrunnen. Teddy II vil også gi mange fine turar. Foto: JH**

treng pleie og omsorg me høyrer om. Men dei fleste greier seg sjølv, eller berre med litt hjelp". Så sant som det er sagt. Sjølv går ho på pensjonistforeninga kvar gong - for å vera med å laga mat og koka kaffi. Og så kjører ho av og til varm mat frå kjøkkenet på sjukesto-va til eldre i bygda. Det er fint å vera i aktivitet, og

turstien nord for Føresvik er flott å gå i, og det same seier Helge. For 82-åringen Helge er ein tur opp til toppen av Boknafjellet noko som han av og til tar. Siste gongen var rett før jul.

"Det er jo mange fleire eldre enn me registrerar" seier Else. "Det er berre dei som

samtidig gjera nytte for seg. "Eg veit ikkje korleis det er å bli eldre" seier ho. Men ein gode er at nå får eg tid til å gjera det eg alltid har hatt lyst til. Og det er å reisa, ha eit aktivt friluftsliv som å gå daglege turar, ha kontakt med barn og barnebarn, stella i hagen, gjera handarbeid".

Begge likar å gå i fjellet, og det er ikkje så lenge sidan dei gjekk på Hardangervidda med barn og barnebarn. Helge har friluftsiinteressa felles med Else, pluss lesing og visse typer handarbeid som t.d. teppeknyting. Han held på med eit teppe akkurat nå, og det går faktisk ut over trimmen, for han er andig og vil ha det ferdig. Helge likar også sang, og har tidlegare vore med i kor. Saman har dei vore to gonger i Israel i seinare år, og har stor interesse og engasjement i forhold til historiske emner som går på "bibelens land".

### **"ME HAR VORE HELDIGE SOM HAR FÅTT BEHALDA EI GOD HELSE"**

Dette understrekar dei begge, og tar det ikkje som ein sjølv sagt ting. Men så har dei også aktivt bidtratt til det sjølv. Else seier ho ikkje er enig i den haldninga som enkelte eldre menneske har når seier at dei har arbeidd nok i si tid, og vil slappa av. Og ho skulle vel vita kva ho snakkar om som har arbeidd som sjukepleiar og jordmor, og hatt 6 ungar ved sida. Ho meiner at passivitet kan føra til at ein blir sløv og interesselaus.

Else seier at media har så lett for å trekkja fram vonde og triste meldingar. Det gode kjem ikkje fram, og blir ikkje nemnt. Dei synes begge at det sosiale nettverket var betre tidlegare. Folk brydde seg meir, og ga



**Kos i sofaen foran bilder av barnebarn. Foto: JH**

kvarandre hjelp. Dermed kom dei meir i kontakt med kvarandre. I dag skal det offentlege ta seg av alt, og mange sit aleine og einsame, og manglar kontakt med andre menneske. Else seier at det er flott at det offentlege har gode tilbod til dei som har behov for det, men at ein må vera på vakt for å overta arbeid som dei eldre godt kunne hatt som eigen aktivitet når dei er i stand til det.

Begge gir uttrykk av at dei trives med livet i eldre år, har friske barn og barnebarn og ein aktiv alderdom.



# ÅRSMELDING FOR BOKN SOKNERÅD 1998

## Soknerådet har hatt denne samansettinga:

Formann:	Solveig Våga
Nestformann:	Sigurd Johnny Svendsen
Kasserar:	Eva Moi
Styremedlem:	Merete Alvestad
Styremedlem:	Ingunn Are
Styremedlem:	Reidar Øvrebø
	Arne Aurdal
Komm. sin repr.:	Birger Lindanger.
1. varamenn:	Liv Vatnaland
2. varamann:	Sigmund Alvestad
3. varamenn:	Ingunn Våge
4. varamann:	Birger Lindanger
5. varamann:	Bernhard Våge
Sekretær:	Svanhild Alvestad.

Dette er det nye soknerådet som vart vald hausten -97, og det var ingen medlemmer med frå det forrige soknerådet. Allereie før nyttår var det nye rådet samla til fyrste møtet for å konstituera seg. Etter dette har rådet hatt 10 møter og handsama 52 soknerådssaker og 13 fellelsrådssaker.

## Utval

Noko av det fyrste soknerådet gjorde var å diskutera kva utval ein skulle ha. Resultatet vart eit diakoniutval som består av Ingunn Are, Ingunn Våge, Sigvart Våga og Marit Øvrebø.

Diakoniutvalet har tatt på seg å drive besøkstjenesten på sjukeheimen vidare. Samlingane i kyrkja med bibellesing, samtale og bøn har òg fortsett, og vore fine samlingar om dei ikkje har samla så mykje folk. Diakoniutvalet fekk og i oppdrag å sjå på kyrkjeskysen. Her er det kome ei løysing der det er to stykker som tar imot telefonbeskjed frå personar som treng skyss, og desse formidlar så vidare om det er nødvendig.

Det andre utvalet som vart vald var dåpsopplæringsutval, og dette består av Merete Alvestad, Randi S. Are, Åse Bratthammer og Eva B. Svendsen.

Dåpsopplæringsutvalet har òg fortsett det arbeidet som har vore med utdeling av dåps-helsingar ved eit-, to- og tre-års dåpsdag. Vidare har dei fått til eit møte for foreldre og born med presentasjon av sundagsskulane for 3-åringane. Det er òg etter initiativ frå dåpsopplæringsutvalet at det er starta opp barnekor. Her må det nemnast at det ikkje hadde blitt noko barnekor om ikkje dei fire ildsjelene, Venevil Birkelund, Odrun H. Nilsen, May Jorun Vatnaland og Ingvild Sæbø, hadde vore så positive til tanken, og villige til å starte opp. Soknerådet ser svært positivt på dette arbeidet, og har store forventningar til det.

Begge utvala har gjort eit godt arbeid og kome med mange fine utspel til soknerådet. Samarbeidet med dei har vore utmerka, og ein takkar for flott innsats så langt.

## Aktiviteten

Gudstenestene i kyrkja og møta på bedehuset er fram-

leis det bærande i den kristne aktiviteten i bygda. Dette saman med arbeidet i dei tre sundagsskulane, barnekoret og speidararbeidet gjer at det tross alt er eit ganske variert kristent arbeid hos oss. I speidartroppen er det med medlemmer frå 8 - 22 år. Når det gjeld arbeid for ungdom, har dette vist seg vanskeleg å få til. Ynskje frå soknerådet er at det kan leggast til rette for eit samarbeid med Tysvær.

Heilt mot slutten av året, 26. 11, var den nye biskopen vår, Ernst Baasland, på vitjing hos oss. Dette var for å bli betre kjent med kyrkjelyden, og han fekk vera med på "gautfesten" til speidarane. Før det hadde det vore møte med rådmann og ordførar, og med soknerådet. Soknerådet syns det var eit positivt og nyttig møte, og det verka å vera eit nyttig møte for biskop/prost òg. Det er viktig at desse som er sette over oss kjem rundt og får vera med å inspirera til vidare arbeid i ei tid då det er så lett for å gå seg trøtt på alle måtar.

Elles har soknerådet vore arrangør av

- utdeling av Bibel til 5. klasse 1.2.98
- konfirmantfest 19.4.98
- årsmøte 21.6.98
- utdeling av barnebibel til 4-åringane 15.11.98

## Kurs

Når det gjeld kurs har heile soknerådet vore på to stykker. Fyrst var dei i Vikedal på eit kurs som var skipa til for heile prostiet, og så på eit kurs for alle fellelsråda på Haugalandet som vart skipa til i Aksdal kyrkje. Begge desse kursa var viktige for det nye soknerådet som hadde så mykje å setje seg inn i. Hovedbudskapet frå kurset i Vikedal var at sokneråda måtte ta seg god tid til Guds ord på møta sine. Dette har Bokn sokneråd prøvt å leva etter, og føler at møta vert gode og konstruktive.

Forutan dette har dåpsopplæringsutvalet vore på kurs i Aksdal, soknerådsformannen har vore på 3 dagers kurs for leiarar på Modum og på KA-konferanse i Stavanger 1 dag saman med kyrkjevevja. Kyrkjevevja har òg vore på nokre dagkurs.

## Årsstatistikken

Den statistikken som ein her viser til kan nok vera noko misvisande, men om den er like misvisande kvart år er det eit godt samanlikningsgrunnlag. Statistikken viser at det i 1998 har vore 28 gudstenester med gjennomsnittsfremmøte på 78. Dette er ein nedgang på 9 frå 1997. Elles har det vore 9 dåp, 11 konfirmantar, 2 ekteskapsinngåing, og 11 gravferder. Innsamla offer i kyrkja er 66 929,- + "Brød for verda" 9 771,-, til saman kr 76 700,-. Dette er ein nedgang på kr 14 390,-.

## Avslutning

Soknerådet sitt arbeid har vore prega av at det er fyrste arbeidsåret i perioden, og at alle medlemmen var nye. Det var mange ting å setje seg inn i, og det er brukt mykje tid på møtene til å snakka om



kva ein vil, og kva ynskje ein har for Bokn sokneråd i framtida. Ein har hatt idèmyldring om kva soknerådet kan gjera for Bokn. Ting som er kome fram er til dømes: Kyrkjekaffi på kyrkjebakken, nytta dei eksisterande lag/organisasjonar meir, oppstarting eller samarbeid om diverse grupper, slik som sorggrupper, bønnegrupper, samtalegrupper, husfelleskap o.l., temagudstenester, trekke fleire med i gudstenesta.



Sundag 21. februar framførte Daghild Grønnestad og Laila Sivertsen "Foglongen", skrive av Elisabeth Fjermestad, på årets Fylkesmønstring i Sola kulturhus.

Daghild fortel til Bygdabladet at dei følte det gjekk bra, sjølv om det gjekk betre under "lokal-mønstringa" i Tysværtunet. Som det stod i forrige nummer av bladet, arrangerte me ikkje lokal mønstring i Bokn i år p.g.a. dårleg interesse blant ungdommen i kommunen. Rett nok blei jentene i Sola kulturhus presenterte som eit innslag frå Bokn. Ein takk til Tysvær kulturkontor som lot innslaget gå av kvoten deira!

Både frå kulturkontoret i Tysvær og frå den ungdommelege juryen som dei hadde der, kjem det svært positive tilbakemeldingar på dette innslaget. Men Daghild seier at ho kunne tenkt seg meir konstruktiv kritikk frå Tysværtunet. Dette er nemleg noko av vitsen med UKM – at deltakarane skal få veta kva dei bør jobba meir med vidare. Om det kjem slik kritikk frå juryane er sjølvsagt avhengig av kven som sit der, og med ein rein undomsjury utan erfaring og dei rette kunnskapene, kan ein ikkje venta at dette blir gjort på rette måten. Juryen la godt merke til den trygge framføringa, utan nervøsit, noko som understreker at dei er komne langt, både musikalsk og med sceneerfaring.

På Landsmønstringa i Trondheim får ikkje jentene framføra "Foglongen", heller ikkje på årets UKM-turné, for der har Laila Sivertsen vore med før, og deltakarane får berre vera med ein gong. - Me framfører han gjerne i Bokn på 17. mai viss me får lov, avslutter Daghild, som sjølvsagt skal vera med på kommande UKM også, forhåpentlegvis i lokal mønstring i Bokn – det er det interessa som avgjer.

Året 17. mai-komité, nå kan de gripa sjansen. Kontakt kan formidlast gjennom kulturkontoret eller direkte til Daghild, tlf. Stavanger 51 58 78 71, eller Bokn i helgene, 52 74 85 42.

Alt dette er ting som ennå er på tankestadiet, og det hadde vore fint om du som les dette kunne kome med reaksjonar, positive eller negative, tilbake til nokon av dei som sit i soknerådet.

Heilt til slutt vil soknerådet retta ein stor takk til dei som er villige til å ta på seg arbeid med å stå for dei einskilde arrangementa, enten det nå gjeld barne/ungdomsarbeidet eller vaksenarbeidet. Takk for trufast teneste og godt samarbeid.

## KLEDE OG SKO TIL UKRAINA


Eli Kro skal i juni reisa til Ukraina med klede. Ho skal vera ein av sjåførane, og planen er at inntrykka frå turen seinare i år vil stå i Bygdabladet.

Det som ein håpar å få inn i Bokn er barneklede og barnesko/støvlar for barn 0 – 10 år.

Alt er av interesse, men dei må vera reine og heile. Innlevering er på skulekontoret, helst i esker.

Du kan levera heilt til 1. juni.

Spørsmål: kontakt Eli Kro, 52 74 85 38



## FISKEKLUBB I BOKN?

Bokn har mange gode fiskevann samt gode muligheter for fiske i sjøen.

Det har vært interesse for å stifte en fiskeklubb i Bokn. Alle som er interessert er velkommen til møte:

**MANDAG 22.03. KL 19.00 (7)  
PÅ BOKNATUN**

Formålet med møtet er å se om det er grunnlag for å stifte "Bokn Fritidsfiske Klubb"

*Hilsen  
Næringskonsulenten*





# NYTT FRÅ DRIFTSSTYRET



## SAKER DEN 18. FEBRUAR

### DELEGERING INNAN SEKSJON SOSIAL

Det er starta opp ein gjennomgang av delegasjonsreglementet i Bokn kommune, og først ut er seksjon sosial som har hatt framlegg til delegasjonsreglement oppe til behandling i driftsstyret. Framlegget frå administrasjonen vart vedtatt med eit tillegg om at delegasjonen må gå frå kommunestyret til driftsstyret og vidare til administrasjonen. Driftsstyret meinte også at klager i enkelt saker må opp i driftsstyret før dei går vidare til den instansen som tar endeleg avgjerd.

I hovudsak er det delegasjon i enkeltsaker det er gjort vedtak om å foreta. Det vil seia at barnevernleiar vil få fullmakt til å gjera vedtak i dei fleste sakene innan barnevernet utan at det skal opp i klientutvalet eller driftsstyret. Driftsstyret skal derimot behandla dei sakene som går på generelt førebyggjande arbeid og tilrettelegging for eit godt oppvekstmiljø.

Når det gjeld saker innafor lov om sosiale tenester som økonomisk stønad og andre tenester som heimhjelp, støttekontakt, avlastning m.v. er det lagt opp til at administrasjonen på desse områda får delegert mynde til å avgjera enkeltsakene.

På alle områda innafor seksjonen er det lagt opp til at driftsstyret skal ha løpande orientering om drifta og arbeidet.

Delegasjonssaka skal behandlast i formannskapet og kommunestyret, og dei ulike seksjonane og sentraladministrasjonen er også i gong med å utarbeida delegasjonsreglement som snart vil koma opp til politisk behandling.

### REGULERINGSPLAN FOR 4 HYTTER – UTTALE

Saka dreier seg om ein uttale frå driftsstyret til forvaltningsstyret vedr. ein plan om 4 hytter innerst i Jøsenvågen – gnr. 18, bnr. 3.

I uttalen foreslo seksjonssjef kultur at hytte nr. 1 måtte ut av planen då ho ligg utafor området som er sett av til utbyggingsføremål, og at dei andre måtte teiknast mindre.

Driftsstyret sa seg samde i dette framlegget til uttale. Saka skal seinare opp i forvaltningsstyret.

### KLASSEDELINGA SKULEÅRET 1999/2000 VED BOKN SKULE

Bakgrunnen for denne saka er budsjettet for inneverande år som tilseier at full klassesdeling kan bli for kostbart i forhold til kommunen sin økonomi. Bokn kommune har dei siste åra stort sett brukt full klassesdeling uansett elevtal i klassane.

Administrasjonen hadde i denne saka lagt fram eit for-

slag til vedtak som gjekk ut på at driftsstyret skulle godkjenna klassesdelinga for skuleåret 1999/2000 med 3 klassar på ungdomssteget og 5 klassar på barnesteget – til saman 8 klassar.

I avrøystinga vedtok imidlertid driftsstyret samrøystes samrøystes dette forslaget frå Liv Birknes:

”Driftsstyret vedtar fulldelt skule.

Innsparingane som er foreslått skal takast ved å slå saman fag i staden for å slå saman klassar”.

### OPPSTART AV IT-KURS PÅ KVELDSTID

Frå seksjonssjef skule låg det føre ei utgreiing om at det er starta opp 2 begynnarkurs i data for til saman 24 elevar. Kursa er sjølvfinansierande ved at det blir betalt kursavgift. 27 vaksne hadde meldt seg på.

Datautstyret treng oppgradering, og ein reknar med at det kan la seg ordna med ein søknad som skulen har inne gjennom næringssjefen.

Hausten 1998 vart det gjennomført eit datakurs for eldre i skulen sine lokale i regi av eldrerådet.

### BETALING AV KURS TIL SYMJEUNDER- VISNINGA

Driftsstyret vedtok samrøystes seksjonssjef skule si tilråding til vedtak om at ordninga med foreldrebetaling for symjeskyss skal opphøyra når Bokn skule startar med symjeopplæring i symjehallen i Aksdal.

Slik det ser ut nå vil dei første elevane frå Bokn skule ha si første ordinære symjeundervisning i Aksdal frå midten av mars.

Tidlegare har foreldra dekkja ca. ¾ delar av skyss til symjeundervisning i Karmøyhallen.

Etter §2-1 i Opplæringslova er den offentlege grunnskulen gratis, og det vil difor ikkje vera lovleg etter Opplæringslova å halda fram med foreldrebetaling for skyssen.

Kostnadene vil kunna bli ca kr 11.000 for resten av vårhalvåret og 15.000 for hausthalvåret, til saman kr 26.000.

### GODKJENNING AV PLAN FOR ALVESTAD NÆRMILJØANLEGG

Driftsstyret godkjende samrøystes rådmannen si tilråding til vedtak om at Bokn kommune godkjenner plan for Alvestad nærmiljøanlegg slik det går fram av saksframstillinga med ei kostnadsramme på kr. 400.000 finansiert ved kr. 200.000 i spelemidler, kr. 120.000 frå kommunen og kr. 80.000 som dugnad frå lag og organisasjonar.

Planen er at området nedafor grusbanen mot Boknasundet skal setjast i stand til eit nærmiljøanlegg med veg, liten molo, badeanlegg, levegg, sandvolleyball-



bane og planting. Vidare eit trinn 2 med utgaving og planering av tomt til naust, planering for ballspel. Trinn 3 vil bli fullføring av badeplass, påfyll sandstrand, naust og toalett, dusj, garderobe, og til slutt trampoline.

## UTTALE VEDR. SØKNAD FRÅ ERIK VÅGA OM DISPENSASJON FRÅ PLAN- OG BYGNINGSLOVA §17-2 OM OPPFØRING AV FRITIDSBUSTAD

Seksjonssjef kultur hadde i sitt forslag til uttale foreslått at Driftsstyret ikkje skulle ha merknader til denne dispensasjonen, og slik vart det samrøystes vedtatt å senda uttalen tilbake til forvaltningsstyret.

# ELDREÅRET 1999

Også Bokn kommune markerer FN sitt internasjonale eldreår i 1999. Kommunestyret har oppnemnt ein komite med desse medlemmene:

Kjell Kro (leiar av pensjonistforeninga), Bertha Våge (leiar av eldreåret), Ordførar Sigrunn Hole Hosaas og Rune Vatnaland som er leiar av driftsstyret. Underteikna er sekretær for komiteen.

Mange idear har vore drøfta for å finna ein god måte å markera eldreåret på. Og den første markeringa blir bygdakvelden den 25. Mars på skulen. Her blir det lagt vekt på at fleire generasjonar kan møtast, og at mange eldre er med på å førebu og gjennomføra arrangementet, i lag med yngre krefter.

### Andre markeringar og arrangement som er aktuelle er:

- Busstur til sommaren (dagstur)
- Intervju med eldre i bygdabladet
- Nytt datakurs for eldre til hausten
- Markering av Eldres dag den 1. oktober
- Eldre lærer yngre om tradisjonsmat. Samarbeid med skulen
- Eldre fortel yngre om korleis det var i deira unge år. Arbeids- og kvardagsliv.
- Slektskunnskap i Bokn
- Kanskje ein felles tur til eit kulturarrangement i Tysværtunet eller ein annan stad

Komiteen vil koma tilbake til arrangementa.

I dei fleste kommunane er det arrangement, kurs og markeringar i det internasjonale eldreåret. Andre eksempel på ting som foregår kan vera eldregudsteneste m/kyrkjekaffi og trafikkskule – seniorsjåforkurs.

Mål for eldreåret er eit samfunn for alle generasjonar.

### Overordna mål er:

- Samhald mellom generasjonane
- Livskvalitet og rom for personleg utvikling og vekst gjennom heile livsløpet
- Ein trygg og verdig alderdom
- Vern om fundamentale verdiar i samsvar med FN sine prinsipp for eldre i verda

### Eldreåret skal gi:

- Merksemd om eldre sin livssituasjon i det norske

samfunnet

- Auka kontakt mellom generasjonane
- Auka forståing for eldre som kulturberarar
- Auka deltaking og innverknad
- Betre tenester på brukarane sine premisser
- fleire nettverk for aldring og for internasjonalt arbeid for eldre
- Meir forskning om aldring og eldre
- Gjennomslag for livsløpsperspektivet i samfunnet sine prioriteringar og planar
- Innsats for eldre i andre land



## BYGDAKVELD TORSDAG 25.MARS

Torsdag den 25.mars blir det stelt i stand til god gammaldags bygdakveld på Bokn skule kor ein inviterar unge og eldre. Eldreårskomiteen er arrangør, og det er lagt opp til mykje song og musikk med lokale krefter som barnekoret, songkvartetten, Bokn songlag og Malvin Grønnestad. I tillegg får me hjelp av Daniel Thuestad, Sigmund Grønnestad, Venevil Birkelund og ikkje minst publikum i allsong. Me også har prøvd å finna fram og vil friska opp songar som held på å gå i gloymeboka.


Men det blir også mat og drikke, bordkonkurransar og utlodning.

Så har me fått tak på Erik Fossåskaret frå Rennesøy til å snakka om den tida då me kunne slå av ein drøs på ferja.





## HELSESEKSJONEN INFORMERER



### Kva er psykiatrisk sjukepleieteneste ?

Våren -97 vart det oppretta stilling som psykiatrisk sjukepleiar i Bokn kommune , og etter 1 års permisjon starta ein opp igjen tenesta desember - 98.

Ein psykiatrisk sjukepleiar , er som det ligg i ordet , ein sjukepleiar som har spesialisert seg på å hjelpe menneske med psykiske problem / lidingar.

Den psykiatriske sjukepleiaren skal sørge for at dei som har langvarige psykiske lidingar i kommunen får den hjelpa dei treng på tvers av sektorar og etatsgrenser.

Like viktig er den førebyggjande funksjonen , der ein skal bidra med opplysning og påverking , slik at psykiske lidingar ikkje oppstår, og hjelpe til at problem som oppstår ikkje låser seg fast og blir langvarige.

Dette inneber tidleg kontakt og oppfølging av menneske som av ulike årsakar vert ramma av t.d. angst , depresjon og forvirringstilstandar, og som treng nokon å lufta tankar og følelsar med , og få råd , veiledning og samtale.

Sorg og krisearbeid er og ein del av den psykiatriske sjukepleiaren sine arbeidsoppgåver. Den psykiatriske sjukepleiaren kan og formidla kontakt med andre hjelpeinstansar dersom det er naudsynt.

Frå nyttår startar me og opp med samtale grupper , og dersom nokon er interessert i å delta , kan dei ta kontakt.

### Kor alvorleg sjuk må eg vera for å ta kontakt , og korleis gjer eg det ?

Heile intensjonen med den psykiatriske sjukepleietenesta er at den skal vera lett tilgjengeleg og ha ein lav terskel for kontakt.

Ein treng ikkje ha rekvisisjon frå lege eller anna hjelpeinstans , men ein kan ringe til eller møte opp på kontoret til den psykiatriske sjukepleiaren. Ingen problem er for store eller for små for å ta kontakt.

Den psykiatriske sjukepleiaren er sjølvsgatt underlagt den same taushetsplikta som anna helsepersonell i kommunen.

Den psykiatriske sjukepleiaren er å møte kvar Tysdag kl. 08 – 15. 00 og

kvar Onsdag kl. 17 – 22.00,

og kvar Fredag kl.10. – 13.00 på det gamle fysioterapirommet ved allrommet.

Direkte tlf. nr. : 52 75 25 36



Psykiatrisk sjukepleieteneste

Laila Nemeth

### FERIEVIKARAR I HELSESEKSJONEN!

Det nærmar seg sommar igjen, og ved sjukestova treng vi vikarar for å kunne greie å avvikle feriane til dei tilsette. Har du lyst til å arbeida kortare eller lengre tid i løpet av sommaren, sender du oss ein søknad kor du oppgir tidsrom du kan arbeida og kor stor stillingsprosent du kan tenkje deg. Søknadsfrist : 5.april – send søknaden til Helseseksjonen v/ Gunn Grønnestad,

Bokn kommune, 5561 Bokn.





I serien GLIMT FRÅ BOKN! presenterer Bokn bygdablad ulike avisutklipp frå Bokn-historia. Denne gong kan du lesa om då ei 4000 år gammal steinøks vart funne på Sæbø.

## Interessant oldfunn i Bokn

**Ei 4000 år gamal steinøks funne på garden Sæbø.**

Frå gardbrukar Jakob Torland i Bokn, har museet teke imot ei steinøks. Òksa tilhøyrer ein type funn ein reknar med går mykje langt attende i yngre steinalder og må vera minst 4 tusen år gamal.

Dette funnet er serleg interessant meddi det til dessar er registrert nokre frå steinalderfunn frå Bokn i museene. Heilt fram til 1938 kjende ein ikkje eit einaste steinalderfunn frå Bokn, men det året fekk ein til Stavanger museum ein flintdolk frå Kro. Så blei det ikkje meld noko steinalderfunn før i 1946, då lærar Rosseland sende inn eit

fragment av ei steinøks frå Laupland. Same året kom det eit køllehovud av tolgestein (kleber) med eit skafthol i, men dette vaar ein såpass ung type at museumsdirektør Petersen daterte det til bronsealderen.

I fjor fortalde dåverande ordførar Alvestad meg ved eit besøk i Bokn, at han i 1943 eller 44 hadde funne ein


flintdolk og levert den til læraren. Det synte seg at læraren, som var flutta til ei onnor bygd, hadde tatt dolken med seg, men den er nå komen til Stavanger museum.

Dette er alt som hittil er meldt av steinalderfunn frå bokn. Det vert fire funn med det som nett nå er kome inn til museet her, og dei er som ein ser alle komne inn i det siste ti-året.

Når det ikkje er kome inn meir, kan det ha si årska i at folk beint fram ikkje er klår over at til dømes dei ofte svært grovt tilslegne øksane av sandstein eller annan bergart, er oldsaker. Men det viser seg at når det først kjem nokre steinalderfunn frå ei grend, vil det stødt auka på med funn frå denne grenda avdi folk nå har fått kjennskap til kva desse steinane er for noko, og interessen er vekt. Eg trur difor at me i tida framover vil få mange steinalderfunn frå Bokn. Å få funna inn til museene og registrert der med funnopplysningar og data er sers viktig også for busetning- og gards saga, som det nå er slik stor interesse for i alle bygder.

N.H. Tuastad

Haugesunds Avis 11.05.48



Bokn kommune

### RESULTATET AV OPE FOLKEAVRØYSTING OM TUSENÅRS-PLASS I BOKN

#### 45 røyster fordelte seg slik:

Nore Vågaholmen og hummarparken	4 røyster
Klepp på Loden	4 røyster
Sunnalandsstraumen	3 røyster
Alvestadkrogjen	10 røyster
Kvednabekken	20 røyster
Laupland	1 røyst
Eige forslag, ( på Boknafjellet )	3 røyster

Tusenårskomiteén tar denne klare tendensen til etterretning, og jobbar vidare med prosjektet.

Elles er lag og organisasjonar oppfordra til å spela på lag med kommunen om alle hendingane rundt Tusenårsskiftet. BORK har allerede meldt si interesse, dette kan du lesa meir om på neste side.



### DEN NORSKE KYRKJA

#### Bokn sokneråd

Postboks 18  
5561 BOKN  
Tlf. 52 75 25 47

Bokn sokneråd har møta sine på Bokn bedehus kl 19.00, og som andre offentlege møte er dei opne for alle dersom ikkje anna er kunngjort.

#### Møtedatoar våren 1999:

18. mars

15. april

10. juni

## TOYOTA BILNØKKEL

funne etter bingoen 10. februar.

Du får han igjen på skulekontoret.



# AKTIV VÅRSESONG I BORK!

Tekst & foto: Kari Christensen

*Bokn Ride- og Kjøreklubb er inne i et nytt aktivitetsår, og klubben har en rekke spennende tiltak på kalenderen. Bork legger vekt på å skape tilbud for alle aldersgrupper i klubben, og for ferske så vel som mer erfarne ryttere. Samarbeid med andre hestelag og kurs som er åpne for ikke-medlemmer står også på dagsorden.*

## Foringskurs

I februar arrangerte klubben kurskveld på Bokn skole med foring av hest som tema. Kursleder var Jostein Mikalsen fra fjordhestlaget Njård, og kurset bygget på et EDB-basert foringsprogram utviklet av foringseksperten Dag Austbø. Kurskvelden ga deltakerne en rekke aha-opplevelser når det gjelder næringsstoffer hesten trenger, hva som er riktig forsammensetning, hvordan du kan planlegge foringen, og sist men ikke minst - hva hestemenyen koster i kroner og øre (og det var ikke lite ...!).

## Sosialt treff i vått element!

For å styrke kameratskap og muskler (og kvitte seg med litt hestelukt?) starter klubben nå med treff i den nye svømmehallen i Aksdal hver onsdag mellom kl. 19 og 20, kanskje kombinert med et lite kafebesøk etterpå?

## Ridekurs, pluss aktiviteter for unge ryttere

På Ognøy er det ridekurs for alle hver annen mandag med Linda Madsen Lode som instruktør, kl. 16 for nybegynnere, kl. 17 for mer erfarne ryttere, og kl. 18 (på Gismarvik) for de som er særlig interessert i distanseritt-trening. Aktiviteter for unge ryttere er det Elin Thorsen i Bork som har påtatt seg et spesielt ansvar for. Ungdomsgruppen har lyst på både kurs og konkurranser, i tillegg til de faste kursdagene på Ognøy. Elin skal skaffe oversikt over andre tilbud i regionen - både kurs og sommerleire som kan være aktuelle for Bork-ungdommen å delta på.


## Trening av sportshest og kjørekurs

Klubben er opptatt av ulike aspekter ved trening og

bruk av hest. I mars blir det nytt kurs med Terje Johannessen, som har utdanning innen idrettsfag og pedagogikk. Hans tema er trening av sportshest, og kurset er også åpent for ikke-medlemmer. I tillegg starter Erik Eikje kjørekurs på Ognøy 8. mars. Det går over 5 mandager, og passer for både nybegynnere og mer erfarne kjørekarer og kjørekåner!

## Kvinnfolktreff ...

For fjerde året på rad ønsker Eva og Erik velkommen til "kvinnfolktreff" på Ognøy på fredagene fra kl. 18, med oppstart fredag 26. mars. Her treffes kvinner OG hest (og kanskje noen barn i tillegg)! Aktiviteten er lagt på et behagelig nivå - det holder med hesteklapping, kanskje litt rusleturer rundt og med hesten - og innimellom prøve seg noen runder på hesteryggen, kanskje? Kaffe og kaffemat medbringes. Om det kommer en regnkvett er det tak over hodet i brakka ved ridebanen.



Det er både islandshest, fjording, shetlandspionni og andre typer ridehester i Bork. Her er islandshoppa Rosa med nyfødt hingstfjøll i Krovågen på Austre Bokn.

## Tusenårsjubileum og T-skjorter

Klubben har lansert sin ide for Bokn kommune når det gjelder tusenårsjubileet; nemlig "Tusenårsrittet"! Ideen er foreløpig bare på skissestadiet - det kan for eksempel bli et distanseritt av klasse i år 2000, kombinert med andre aktiviteter som alle og enhver kan delta på.

Ellers er det verdt å nevne at klubben har skaffet seg en kjemp flott logo - antagelig den flotteste i det

ganske land, - grønn og gul med hest i forgrunnen og Boknafjellet i bakgrunnen. I tillegg til å være et felles symbol for medlemmene, skal logoen brukes i markedsføring og profilering av klubben. Så hvis du som leser Bokn Bygdeblad ser noe gult som fyker forbi (med eller uten hest) - er det ikke en påskekylling, men et Bork-medlem iført sin nye gule Bork-T-skjorte, MED den omtalte logoen på brystet!

Misunnelig, sa du?

Ja, det er bare å melde seg inn i





# BOKN SANITETSFORENING – ÅRSMELDING 1998

Bokn sanitetsforening har i året som gjekk halde årsmøte og 4 styremøter. Medlemstalet er 189.



## Det er bevilga pengegaver til:

<i>Kampen mot narkotika</i>	<i>kr. 500,-</i>
<i>Eldreomsorg</i>	<i>kr. 500,-</i>
<i>Osteoporose</i>	<i>kr. 1.000,-</i>
<i>Revmatismesaken</i>	<i>kr. 3.000,-</i>
<i>Psykiske lidelser</i>	<i>kr. 2.000,-</i>
<i>Ingeborg Dehli Hjemtl.fond</i>	<i>kr. 1.000,-</i>
<i>Kvinnemedisinsk forskning</i>	<i>kr. 2.000,-</i>
<i>Krefisaken</i>	<i>kr. 5.000,-</i>

Me har også saman med Hjertelaget kjøpt inn pulsoksymeter til sjuke bilen. Dette er innkjøpt av øyremarka midlar. Alle nyfødde boknarar har fått utdelt eit helseteppe, og dei som går i 5. klasse har fått sykkelhjelmar. Sykkelhjelmene vart utdelt i "Sanitetens uke".

Alle over 80 år, og dei som bur på sjukestova, fekk julestjerne til jul. etter at kommunen slutta å gi tilskudd til fotpleie for eldre har me overtatt dette. Me hadde



Representant frå Drivhuset på Raglamyr demonstrerte og sette opp blomstersatsar.

Foto: Eli Kro

også dette året adventsfest før jul, og dette året var det godt fram møte i forhold til i fjor.

Inntektene våre får me av sal av fastelavnsris, maiblomar og landslodd, og den årlege basaren. Me har også fått to pengegaver, den eine på kr. 35.000,- og den andre på kr. 3.000,- Dette er me svært glade for, og gir oss oppmuntring til vidare arbeid. Pengane er innsette på kontoen for øyremarka midlar, og skal brukast innan Bokn kommune, ette ynskja frå den eine gjevaren (kr. 35.000,-).

Torsdagstreffet heng fortsatt saman, med god hjelp frå yngre krefter som har sagt seg villige til å vera med. Me hadde ikkje noko tur rundt i distriktet dette året, då Pensjonistforeningen hadde tur til Skudeneshavn, og det var dette me også hadde planlagt. Kretsmøtet på Klepp var representert av formann.

## Styret i 1998 har vore samansett slik:

<i>Inger S. Bokneberg</i>	<i>formann</i>
<i>Reidun Grønnestad</i>	<i>nestformann</i>
<i>Astrid Jøsang</i>	<i>styremedlem</i>
<i>Elly Borgenvik</i>	<i>kasserar og styremedlem</i>
<i>Ingrid Ovidt</i>	<i>styremedlem</i>
<i>Ingunn Våge</i>	<i>styremedlem</i>
<i>Kari Øvrebo</i>	<i>styremedlem</i>
<i>Bertha Våge</i>	<i>revisor</i>
<i>Solveig Kro</i>	<i>varamedlem</i>
<i>Oliva Håland</i>	<i>varamedlem</i>
<i>Inger Jøsang</i>	<i>varamedlem</i>

## Kvinner og menn, er du engstelig for benskjørhet?

### "Benmåling med ultralyd"

Onsdag 24. februar kunne alle kvinner og menn få målt benmassen. Det var 43 stk. som hadde meldt sin

interesse. "Private Helsetjenester AS" og Saniteten stod for målingen. Dette kostet kr. 350,- men Saniteten sponset med kr. 150,-

Det er viktig å få undersøkt om du har anlegg for å få Osteoporose (benskjørhet). Jo tidligere det blir oppdaget, jo bedre er det å forebygge. Det er kanskje i seineste laget når vi har fått det. Vi bør ikke tenke at dette bare gjelder gamle, det er viktigere å begynne og tenke fremover når vi nærmer oss 40.

Skulle det være flere som tenker "aha – dette var kanskje ikke så dumt"... så kanskje vi kan gjenta dette en annen gang.

*Hilsen oss i Saniteten*



Tekst & foto: Jarle Haakonseth

**P**å fredag den 26.02.99 var barnehagen full av framande vesen, og me lurte fælt på kva som hadde skjedd på den ellers fredfulle Bokn-øya.

**N**å viste det seg heldigvis at det berre var karneval



i god brasiliansk stil. Her var Superman, Teletubbies, Askepott, indianarar, Zorro, med fleire.

**P**lutseleg stod ein baby, stor som ei vaksen dame i gangen. Gleden tok overhånd, og frykten forsvann då ho forklarte oss at det berre var Anette, lærlingen vår.




**M**idt i denne sydamerikanske stemninga kom

foreldre og fleire barn, og alle fekk pølse i brød, kaffe og kaker.

**M**en etter ei stund blei det verre: me skulle "slå katta ut av sekken!!!" – stakkars pus. Me lærer at me ikkje skal


vere slemme mot pus, og så skal me slå han ut av sekken!!!!



**M**en ut av sekken kom ingen pus, det var godtri!!!!

**O**g då var me ikkje vanskelege, me sette oss ned, for her var det sjølvservering.

**O**g alle tykte me at me hadde hatt ein fin dag i barnehagen.





## TROLLSKAP PÅ 1600-TALET

Noko av det siste Ingeborg Steinsdotter sa før ho blei halshogd i juli 1633, namngav ho ei som i alle ting var verre enn henne og som hadde orsvore seg til hinmannen: Arnbjørg Olavsdotter. Det vesle Ingeborg kunne, hadde ho lært av Arnbjørg – let ho om. Dette sa ho medan Arnbjørg og mykje anna folk hørde på. Og dette la dei så mykje meir vekt på som det var det siste ho sa før ho mista hovudet.

Dagen etter blei også Arnbjørg sett fast. Ho skal ha budd på Sæbø og på slutten på Nerabø. Ho hadde rykningar i ansiktet som gjorde at folk var redde henne. Elles blei Arnbjørgo ikkje bare bruka i Bokn, men òg t.d. i Tysvær og Vats. Etter å ha forhøyrert henne, tilsto ho alt kva ho kunne. Ho kunne ...

1. ... gjera åt for – hadde råder for – naut og bufe som vonde folk hadde forgjort
2. ... gjera åt for ulv og bjørn så dei ikkje kunne gjera skade
3. ... lesa og gjera åt for trollverk som trollfolk hadde sett på nokon.
4. ... lesa i salt for kyr når dei var forgjorde og mista mjølka
5. ... stilla sinnet til folk. Då les ho fastande tri torsdagsmorgonar når det var flo sjøl.
6. ... kunne lesa i ein vevtråd for dei som verkte i ledd eller føter. Då blei dei jamnt gode att.
7. ... hindra at folk gjorde kvarandre vondt. Ho tok tri steinar: ein frå kyrkjegarden, ein frå ein haug og ein frå sjøen. Ho las over dei til den eine sprakk. Då mista mennesket makt til å gjera andre vondt. Sprakk kyrkjesteinen, hadde den sjuke "helsott" og inga råd hjelpte. Sprakk haugsteinen hadde trollfolket sett vondt på han, sprakk sjøsteinen var sjøtrolllet ansvarleg.
8. ... sjå kven som hadde sett sjukdom på nokon – om det var Vår Herre eller vonde folk.

Elles fortalde ho at ho bruka ein ring til å mjølka gjennom for å sjå om noko var galt med kua. Ho fortalde også litt om dei ho hadde hjelpt. Såleis hadde ho nett vore hjå Birgit Nerabø og hjelpt henne for trollverk.

Vidare hjelpte ho Ivar Gismarvik som klaga over at nota hans ikkje ga fisk. Såleis fekk han ein liten pose med salt og brød som ho hadde lese over. Denne festa han til nota og sidan fekk han fisk. Eirik Are var fælt plaga med rotter og mus. Dette les Arnbjørg for.

Samstundes les ho for nota så han skulle få godt med fisk.

Så kom spørsmålet fram om kven som hadde lært henne det ho kunne. Ho viste då til Kristen Pinkar og Pinkar-Anna som ho hadde ein del hopehav med. Dette paret skal tidvis ha budd på Gjerde, truleg i Tysvær. Det er òg mogeleg dei har budd i Føresvik. Etter Arnbjørg si meining hadde Kristen forgjort henne. Når Kristen heldt seg i Nordland, kom rett som det var hamen hans til henne og gjorde henne mykje vondt. Men når han sjølv var heime og kom i huset hjå henne, då blei alt godt.

Ein gong ho hadde fått vondt etter Kristen si tilsegn, gjekk ho til han og ba han ta frå henne det vonde. Viss ikkje, skulle han få vita kvar David kjøpte ølet. Men Kristen svara at han kunne ikkje gjera noko før han var i Nordland att. Elles klaga ho over at Kristen bles vondt inn i henne inn i ei skei ho åt med. Dette ville ikkje Kristenv era ved, han hadde bare støytt skeia inn i halsen hennar, let han om. Men elles tilsto både Kristen og Anna at dei likeins som mor hans kunne ulike trolldomsrådgerder.

Utgangen på denne saka kunne bare bli ein for Arnbjørg. Ho blei førd frå Nerabø til Stavanger og halshogd 25. juli 1633 bar to veker etter at Ingeborg fyrst hadde anklaga henne. Og alt ho let etter seg fall til kongen. Så mykje overskot hadde ikkje gjerninga hennes gitt henne. Alt ho åtte var ei lita sylvskei, to små sylvringar, eit gammalt utslite blått skjørt, ei gammal kledeskufte, ei gammal halvrotten kiste og eit halvt åkle, gammalt og slite. Heile formua hennar var verdt ein dalar og 16 skilling. Det svara snautt nok til eit par dagslønner for ein vanleg jordarbeidar. Det betalte ikkje ein gong løn til bøddelen som tok tri dalarar for å svinga sverdet.



# PÅ KRYS OG TVÆRS

Vinnarar av februaroppgåvene blei:

Oppg. 1 : Bjarne Ve Sæbø  
Oppg. 2 : Kristina Faye

**GRATULERER!**

( Linda Ognøy og Jardar Havikbotn har stått for trekninga ).

Vinnarane vil få kvar sitt Bingoflax-lodd.

**LØYSINGAR, FEBRUAR:**

	bolig				
eie	H	A	gjeld frem-konst-middel	L	Å
	U	gretten	S	U	R
	S	T	Y	R	E
	kjører		A	K	E
	M	A	R	K	spase-
		pålegg	E	G	G
syred-	N	Å	L		Å

**Oppg. 2**

M	A	R	S	J	A	O	V	A	K	T	S	O	M
K	S	K	R	I	V	E	E	Ø	E				
T	R	T	E	T	G	R	I	N	D				
P	U	T	E	K	R	I	G	R	E	S	I		
E	A	V	F	J	Æ	R	H	A	T	T	K		
L	K	B	R	A	A								
G	L	A	S	U	R	L	N	E	N	S	O	M	
J	A	N	D	E	L	B	N	O	E				
S	O	K	I	H	I	N	T	L	N				
P	L	A	N	L	E	G	G	E	R	L	A	R	O
I	G	T	U	S	L	I							
S	E	T	L	K	O	M	P	L	E	K	S		
S	Y	N	F	E	I	L	F	R	I	I	V		
T	R	P	L	A	K	R	I	S					

og utføres for å bevisse at rørledningen er tett og at den vil tåle de trykk den vil utsettes for i fremtiden, med god og sikker margin. Etter at trykkprøvingen er avsluttet vil tunnelen bli fylt med en magerbetong og Bailey-brua på E-39 kan fjernes. Før trykkprøvingen kan finne sted skal grøftene være fylt igjen, noe som pågår for fullt i disse dager, både på Austre og Vestre Bokn.

Arbeidet med kontrollbygningen på ventilstasjonen på Trosnavåg er snart ferdig for installasjon av teknisk utstyr, og når utprøvingen av ventilen er avsluttet vil tilbakefyllingen av dette området igangsettes.

Alle rørledningsgrøfter i landfallene i sjøen er nå tilbakefylt og likeledes er fyllingsarbeidene i Boknasundet avsluttet.

Det har foregått pumping av grøftevann ut i Karmundet i hele perioden for å redusere faren for blakking av bekker og vann langs rørledningskorridoren. Dette fortsetter til grøftene er tilbakefylt.

Ellers forberedes restaureringsarbeidene langs rørledningen og det er å håpe at værgudene kan velsigne grunneiere og prosjektet med tørt og varmt vær fremover våren, noe som vil forenkle og lette dette arbeidet.

## EUROPIPE II – info frå Gresslien pr. 08.03.99

Europipe II er nå inne i sin slutfase. Hele rørledningen er installert i grøfta over Austre og Vestre Bokn, og i tunnelen, og det gjenstår kun sammenkopling på toppen av tunnelen, ved Boknabergsvatnet og på Trosnavåg, før vi har et sammenhengende rør fra Viervika til Trosnavåg. Dette vil skje etter at ventilstasjonen på Trosnavåg er trykktestet og funksjonstestet, noe som skjer i disse dager, og etter at rørledningen mellom toppen av tunnelen, på Austre Bokn, og Boknabergsvatnet, er trykktestet. Dette er planlagt å skje i siste halvdel av mars.

Disse trykkprøvene er pålagt oss av myndighetene,





**Innleveringsfrist: 7. april**

**Namn:**

**Oppg. 1**

	ikke inn	kjøretøy	små frukter	går på skinner
grønnsaker				
dessert	rep hager.skap		legems del	
	ligger vi i			
	i hagen			del av genser
dyr			titte 7 dager	
	pil og _ _ er			
guttenavn				
	doktor			

**Oppg. 2 – KODEKRYSS**

1	2	3	3	4	5	6	7	8	9
6	10	8		11	6	7	12	2	13
14	8	15		1	2	16	2	9	
8	17		3	2	8	2		1	17
2	18	19	2		16	19	17		5
	2	13	20	2			21	8	2
19	2	21	17		2	11	11	2	8
13	8	15	9		11	19	22	11	11
20			2	9	16	2		2	1
2	1	2	8		2	13	2	8	
8	22	3		22		12	13	12	13
	8	2	13	11	2		16	2	9
23	2	8	1	2	9		2		3
2	9			9	2		8	4	2
20	2	24	2			24		2	8
1		12	13	19		12	2	9	2
13	19	2		2		15	1		
1	10	8	13	11	1		1	14	8
8	2		3	2	13	21		8	15
2	8	1	2	8		22	18	2	9

**KYRKJEKONSERT**

**TYS DAG 23. MARS KL. 19.30**

”SOLEGLAD” er eit musikalsk møte mellom Fylkesmusikarane i Nord – Rogaland og Distriktmusikarane i Suldal.

Konserten blei første gang halde i Suldal under Kulturfestivalen i Ryfylke i september 1998.

Programmet er i hovudsak henta frå barokken, men er ramma inn med norske religiøse folketonar.

Distriktmusikarane har besetninga fløyte, fiolin/hardingfele og orgel/piano, og Fylkesmusikarane har som kjent besetninga song, obo/blokkfløyte, cello og piano.


Denne timelange konserten vil derfor bli variert med fleire forskjellige instrument.

Konserten er gratis – vel møtt!

*Arr. Kulturkontoret og Soknerådet*



# VELKOMMEN TIL BIBLIOTEKET



## LESETIPS FOR VAKSNE:

Clansy, Tom:  
Rainbow 6

Finne, Ferdinand:  
Blå elefant

Groth, Annette:  
Nord Irland, den vanskelige veien

Oterhals, Leo:  
Båter, baser og barske menn.  
Stormhav, uvær over utvær.

Rypdal, Arild:  
Himmelens villmenn

Turow, Scott:  
Blomsterbarnas arv 1 og 2



Påskekrimmen finn du på biblioteket!



## VIDEO

PÅ BIBLIOTEKET KAN DU  
LÅNA BARNE-OG FAMILIEFILMAR  
GRATIS!

**NB! LÅNETIDA ER 1 VEKE**

## OPNINGSTIDER:

TIRSDAG : 10.00 – 13.30

ONSDAG : 16.00 – 19.00

TORSDAG : 10.00 – 13.30

TLF. 52 75 25 45

E-POST: [lognoey@bokn.kommune.no](mailto:lognoey@bokn.kommune.no)

## BARN OG UNGDOM:



Dahl, Tor Edvin:  
Den forheksede ringen

Eeg, Harald R.:  
Filter

Hauge, Kolbjørn:  
Hitlers labyrint

Pedersen, Hæge Follegg:  
Ikke helt alene

Scheen, Kjersti:  
Månefeen



## VELKOMMEN TIL Å BRUKA INTERNETT PÅ BIBLIOTEKET

## HER KAN DU FÅ INFORMASJON FRÅ HEILE VERDA

## Pynt til påske?

På biblioteket finn du idear til påske-  
pynt!



# BOKN H-LAG

- Dagligvarer
- Bensin-Diesel
- Medisinutsalg
- Driftsmidler
- Postfilial
- Bank i butikk

## SMARKED

### Gode kunder skal ha det litt bedre




Skaff deg enda flere fordeler!  
Spør etter Privat Pluss og Privat Ekstra.

# SpareBank 1 SR-Bank

BOKN



# BJØRN LINDANGER



## Alt i Graving og Transport

4150 Rennesøy

Tlf. 51 72 36 15 Mobil 94 67 28 48

### HALLO, NABOAR I NORD!

Me er eit entreprenørfirma fra Rennesøy som driv med gravemaskinar, 4 stk. fra 1,5 til 20t. Har også tippbilar.

Me utvider gjerne arbeidsfeltet vårt og reiser gjerne over fjorden for oppdrag.

Me utfører alt innan graving og transport. Fjell er ingen hindring. Me forhandlar plast- og sementrøyr, samt alle typar av sand, singel og grus.

Ta gjerne kontakt for ein uforpliktande samtale.

Vennlig helsing Bjørn Lindanger

tlf.	dag	946 72 848
	kveld	51 72 36 15



## KOMMUNEPLAN 2000-2011

Bokn kommune

I samsvar med PBL§ 20-5 gjer ein herved kjent at forvaltningsstyret i møte den 27.01.99 vedtok å leggja ut forslag til Kommuneplan for Bokn 2000-2011 til offentlig gjennomsyn.

Planen ligg til gjennomsyn på Boknatun og biblioteket.

Merknader må vera sendt Bokn kommune innan den 26.03.99

Arealdelen består av plankart med føresegner og retningslinjer i tillegg til ein tekstdel kor arealdisponeringa er begrunna.

Vedtatt arealplan med føresegner får direkte rettsverknad som inneber at byggje og anleggstiltak eller frådelling av eigedom til slike føremål, ikkje må vera i strid med arealbruk eller føre-segner fastlagde i planen.

Den andre tekstdelen omhandlar mål for utvikling av lokalsamfunnet og trekker opp retningslinjer for kommunen si verksemd i seksjonane.

Forvaltningsstyret har vore politisk ansvarleg for planarbeidet som byggjer på ein omfattande medverksprosess frå lokalbefolkninga og offentlege styresmakter. Bokn kommune håpar på vidare aktiv medverknad og debatt om utfordringar og oppgåver som me som lokalsamfunn må førebu oss på å løysa.

*Forvaltningsstyret*

## TILBUD STEINFRI SKJELLSAND

Kr. 130,- pr. m3 fritt utkjørt innmark.

Kr. 140,- pr. m3 fritt utkjørt utmark.

Kontakt Jakob Ullenes, 4150 Rennesøy  
51 72 32 87 94 67 08 73

## HUS TIL SALGS

nær Alvestadkroken.

Tlf. 52 74 84 80

*Hjertelig takk for alle gaver og  
hilsener i anledning min 50-års dag.*

*Ragnhild Laupland*

## PONNYRIDNING

Ridetimer for små ryttere (5 - 8 år) etter avtale.

Ring Kari Christensen i Kro på Austre Bokn, 52 74 84 07.



## STØNAD TIL DELTAKING PÅ KURS

- for lag og organisasjonar -

Driftsstyret kan yta stønad til deltaking på kurs/konferansar som tar sikte på skolering av laget sine medlemmer, samt utdanning av leiarar og tillitsmenn. Slik stønad kan søkjast gjennom heile året, og gjeld berre for deltakarar frå lag og organisasjonar i Bokn kommune. Søknad kan sendast før påmelding til kurs/konferanse, og svar om kommunal støtte blir gitt innan to veker etter mottatt søknad.

I søknaden skal desse opplysningane stå:

- kurslengde
- arrangør
- program
- opphalds- og kursavgift
- utgifter til materiell og reise
- namn på kursdeltakarane frå laget

Vennligst bruk denne rekkefølga i søknaden samt at det blir lagt ved dokumentasjon av det som blir søkt støtte til. Tilskot kan ytast med inntil 50% av samla utgift til reise, opphalds- og kursutgifter.

Det er viktig med kursverksemd, ikkje minst med tanke på inspirasjon og utvikling i laget. Med dette vil kommunen oppfordra dei laga som ikkje nyttar seg av dette tilbodet om å gjera det.

52 75 25 00	Sentralbord	
52 75 25 01	Rådmann	Jan Erik Nygaard
52 75 25 04	Seksjonssjef sosial	Reidar Alvestad
52 75 25 05	Seksjonssjef teknisk	Hans Faye
52 75 25 07	Kommunekasserar	Harald Bokneberg
52 75 25 08	Seksjonssjef kultur	Jardar Havikbotn
52 75 25 10	Seksjonssjef servicetorg	Karin Svendsen
52 75 25 11	Økonomisjef	Solrunn Alvestad
52 75 25 15	Telefaks Boknatun	
52 75 25 30	Bokn sjukestove/vakt	
52 75 25 34	Seksjonssjef helse	Gunn Grønnestad
52 75 25 40	Legekontor	Mandag og torsdag
52 75 25 43	Helsesøster	Eva B. Svendsen
52 75 25 45	Biblioteksjef	Linda Ognøy
52 75 25 47	Kyrkjeverge	Svanhild Alvestad
52 75 25 50	Rektor/seksjonssjef sku-	Dag Halvorsen
52 75 25 51	Undervisningsinspektør	Ingjerd Thuestad
52 75 25 54	Barnevernleiar	Eva Moi
52 75 25 66	Skulefritidsordning	Ranveig Nygaard
52 75 25 67	Telefaks skulen	
52 75 25 70	Seksjonssjef barnehage	Jarle Haakonseth
52 75 25 80	Tannlege	Else Kjellesvik

## BOKN BYGDABLAD

### UTGJEVAR

Bokn kommune

5561 BOKN

Tlf 52 75 25 00

Fax 52 75 25 15

E-post [jhavikbotn@bokn.kommune.no](mailto:jhavikbotn@bokn.kommune.no)

Bankgirokonto 3373 07 00305

Postgirokonto 0806 56 84501

### BYGDABLADNEMND

Arvid K. Jøsang

Eli Kro

Reidun Grønnestad

### REDAKTØR

Jardar Havikbotn

Direkte tlf. 52 75 25 08

### REDAKSJON

Jardar Havikbotn

Reidar Alvestad

Linda Ognøy

### ABONNEMENT

Kr. 150,- pr. år

### ANNONSEPRISAR

Heilside kr. 500,-

Halvside kr. 300,-

Kvartside kr. 150,-

1/8 side kr. 100,-

Privatann. kr. 30,-

Fastann. etter avtale

### FRIST FOR STOFF

Den 1. i kvar mnd. bladet kjem ut


### BLADET KJEM UT

2. veka i alle mnd. utanom januar og august

### FORSIDE

Gullspenne, Nedrebø - diameter 7,6 cm  
frå Vikingtid ( 900 - 950 e.Kr. )

Ved oppringing etter kl. 15.00 må ein alltid nytta direkte nummer.





# A-Blad

RETURADRESSE:  
BOKN KOMMUNE  
4290 BOKN

## KULTURKALENDEREN

### MARS

17.: Stauder v/Kjell Ebne – Allrommet kl. 19.00, arr.  
Bokn hagelag

19.-21. Førarpatrulje/RR-tur

21.: Kyrkjebygd sundagskule, Allrommet kl. 10.30

21.: Konsert, arr. Bokn musikkorps

21.: Årsmøte for Bedehuset kl. 19.30

23.: Konsert, kyrkja kl. 19.30, *sjå side 15.*

24.: N.L.M., Bokn bedehus kl. 19.30

25.: Bygdakveld, skulen kl. 19.00 – arr. Eldreårskomiteén

26.: Oppstart Dametreff på Ognøy kl. 17.00 – arr. BORK,  
kvar fredag fram til sommaren ( ikkje 2.4 )

26.: N.L.M., Bokn bedehus kl. 19.30

28.: N.L.M., Bokn bedehus kl. 19.30

*Veke 13 – påskeferie, Bokn skule*


### APRIL

05.: Eggkoking/konkurranse, arr. BORK

11.: Kyrkjebygd sundagskule, Allrommet kl. 10.30

13.: Santalmisjonen, Bokn bedehus kl. 19.30

15.: Bingo, arr. Bokn musikkorps



### MARS

14.: Gudsteneste kl. 11.00 med løftefornying

### APRIL

02.: Gudsteneste kl. 11.00

04.: Gudsteneste kl. 19.00

### **BOKN FYSIOTERAPI**

Tysdag og torsdag kl. 9.00 – 15.30  
Direktenr. 52 75 25 33

**Geir Austvik**  
fysioterapeut

### **BARNEVERNLEIAREN**

Kontordag tysdagar, elles etter avtale.  
Direktenr. 52 75 25 54 - Mob. 946 78 919

**Eva Moi**  
barnevernleiar

### **LANDBRUKSKONTORET**

Kvar fredag kontordag i Boknatun  
kl. 9.00 – 12.00.  
Avtale etter kl. 12.00 må gjerast særskilt.  
Kan treffast på rådhuset i Tysvær andre vekedagar,  
tlf. 52 77 05 00

**Bjørn Bruaset**  
jordbrukssjef

### **FOTTERAPI**

på fylgjande datoar:

**12.02 – 26.03 – 23.04**

**For påmelding, tlf. 52 74 84 79 – Rita Jensen**

**Ordføraren** er å treffa på Boknatun torsdagar mel-  
lom kl. 09.00 - 15.00

P.g.a. ein del møteverksemd  
er det lurt å ringja på førehand.

### **LIKNINGSKONTORET**

Kontordagar i Bokn tysdag og torsdag kl. 08.00 –  
15.00, tlf. 52 74 85 13

Måndag, onsdag og fredag kontordagar ved  
Tysvær liknings- og folkeregister i Aksdal  
kl. 08.00 – 15.00, tlf. 52 77 54 10

**Gaute Kro**  
likningssjef i Bokn

### **HELSESTASJONSDAG**

Torsdagar 9-11.30. Elles etter avtale.  
Direktenr. 52 75 25 43

**Eva Brunborg Svendsen**  
helsesøster